

U P U T S T V O

ZA POPUNJAVANJE OBRASCA PFL-3

Pod pojmom „**obrtnik i lice koje obavlja srodnu djelatnost**“ podrazumijeva se fizičko lice koje obavlja djelatnost u svoje ime i za svoj račun, a pri tom se može koristiti i radom drugih lica.

Pod pojmom „**poseban registar**“ podrazumijeva se registar općinskog tj. gradskog organa ili nekog drugog organa kod koga je obrt ili srodna djelatnost registrovana.

Dokumentacija potrebna za upis u Registar fizičkih lica:

- popunjena **dva** primjerka obrasca PFL-3 (podaci uneseni u oba obrasca moraju biti identični);
- fotokopija **odobrenja** ili **rješenja** nadležnog registarskog organa;
- fotokopija posljednjeg **Obavještenja** (ako se vrši promjena podataka unesenih u Registar kod ranije izvršene registracije ili se vrši brisanje iz Registra);
- Pečat**;
- JMBG**: 1.vlasnika obrta, 2.odgovornog lica u izdvojenom dijelu.

Podaci koji se unose u obrazac, a preuzimaju se iz obrtnice ili nekog drugog dokumenta kojim se odobrava obavljanje obrta i srodne djelatnosti, moraju u potpunosti biti podudarni sa podacima iz izvornog dokumenta.

U prostoru koji je označen sa „POPUNJAVA STATISTIKA“ **fizičko lice ne unosi podatke.**

Kratak opis pojmova i definicija koji se koriste u obrascu

Obrazac PFL-3 istovremeno služi kao prijava za upis u Registar osnovnih obrta i srodnih djelatnosti i njihovih dijelova. Zbog toga je potrebno **zaokružiti „O“**- osnovni obrt i srodne djelatnosti ili „1“ izdvojeni dio (jedinica u sastavu).

Za svaki izdvojeni dio se popunjavaju po dva obrasca sa identičnim podacima.

SJEDIŠTE

Pod pojmom „**sjedište**“ podrazumijeva se mjesto koje je kao sjedište upisano u posebnom Registru.

Obrt je samostalno i trajno obavljanje dopuštenih i registrovanih privrednih djelatnosti u osnovnom, dopunskom i dodatnom zanimanju od fizičkih lica sa ciljem postizanja dobiti koja se ostvaruje proizvodnjom, prometom ili pružanjem usluga na tržištu.

Fizičko lice može obavljati obrt i srodnu djelatnost kao **osnovno** zanimanje, ali i kao **dopunsko** zanimanje i to isključivo samostalnim radom i najduže 20 sati sedmično, a kao **dodatno** zanimanje isključivo putem zaposlenika koji mora biti u radnom odnosu kod vlasnika obrta ili lica koje obavlja srodnu djelatnost.

DJELATNOST

Pod pojmom „**djelatnost**“ podrazumijeva se kombinacija resursa kao što su oprema, rad, tehnika proizvodnje, informativne mreže ili proizvodi čiji je rezultat određena roba ili usluga. Ona je određena inputom proizvoda (roba ili usluga), proizvodnim procesom i outputom proizvoda.

Između svih odobrenih djelatnosti upisuje se samo jedna, **pretežna (osnovna- glavna)** djelatnost.

Pretežna (osnovna- glavna) djelatnost poslovnih subjekata koji ostvaruju dobit proizvodnjom, prometom robe ili pružanjem usluga na tržištu, je djelatnost koja učestvuje odnosno doprinosi najvećim udjelom u formiranju ukupne dodane vrijednosti ekonomske cjeline koja se posmatra, a za sve ostale subjekte **pretežna (osnovna- glavna)** djelatnost se određuje prema najvećem udjelu broja zaposlenih, odnosno platama po pojedinim djelatnostima.

Kada je za poslovni subjekt tj. fizičko lice utvrđeno rješenjem o upisu u poseban registar ili propisom, obavljanje više djelatnosti, prvi upis djelatnosti koja će biti uvedena u Registar kao **pretežna (osnovna- glavna)** djelatnost provodi se po prijedlogu samog subjekta.

Svaki slijedeći upis promjene **pretežne (osnovne- glavne)** djelatnosti provodi se na zahtjev subjekta, uz prikazivanje finansijskih pokazatelja, ili po službenoj dužnosti.

U tu svrhu se popunjava obrazac PPL-D.

ZANIMANJE

Pod pojmom „**zanimanje**“ podrazumijeva se **posao (radno mjesto)** koji obavlja osoba radi sticanja sredstava za život.

Zanimanje je skup poslova i radnih zadataka (radnih mjesta) koji su svojim sadržajem i vrstom organizaciono i tehnološki toliko srodni i međusobno povezani da ih obavlja jedan izvršilac koji posjeduje odgovarajuća znanja, sposobnosti i vještine.

TIP OBRTA I SRODNE DJELATNOSTI

Slobodni obrti su obrti za čije se obavljanje ne traži stručna osposobljenost, stručna sprema ili majstorski ispit.

Vezani obrti su obrti za čije se obavljanje traži odgovarajuća stručna sprema.

Posebni obrti su obrti koje obrtnik može obavljati samo ako ima saglasnost za obavljanje posebnih obrta.

Srodne djelatnosti su sve registrovane djelatnosti koje obavljaju fizička lica prema pravilima obavljanja obrta, a koje se ne smatraju obrtom.

Tradicionalni i stari zanati su obrti za koje je potrebno poznavanje zanatskih vještina i umijeće i koji se obavljaju pretežnim udjelom ručnog rada.

Poljoprivredne djelatnosti su privredne djelatnosti koje obuhvataju biljnu i stočarsku proizvodnju i sa njima povezane uslužne djelatnosti.

Obrt i srodne djelatnosti se mogu obavljati i **sezonski** i to najduže **devet mjeseci** unutar jedne kalendarske godine.

Domaćom radinošću se smatraju obrti i srodne djelatnosti u čijem obavljanju preovlađuje ručni rad i usluge u domaćinstvu.

OBLIK ORGANIZOVANJA - za sve oblike je isti: tekstualno se upisuje "obrt i srodne djelatnosti", a šifra je „55“

OBLIK ORGANIZOVANJA ZA POJEDINE DJELATNOSTI upisuje se za oblike organizovanja iz oblasti: trgovine, ugostiteljstva, turizma, advokature, notara, osiguranja, tradicionalnih i starih zanata, poljoprivrede, domaće radinosti i ostalih oblika.

NIVO ORGANIZOVANJA - zaokružiti jedan od ponuđenih odgovora: "**samostalni**" ili "**zajedničko obavljanje**" (ortakluk).

PORIJEKLO KAPITALA može biti: **domaći, strani, mješoviti ili nema.**

OBLIK VLASNIŠTVA je uvijek „**privatno**“.

PODACI O PROMJENI

Za **vrstu promjene** moguće je upisati: prijava, promjena na bilo kojim podacima, brisanje ili preseljenje.

Polje „**Promjena je u vezi sa ident. brojem**“ vezano je za promjene nastanka i prestanka reorganizacijom i opise promjena **spajanja, pripajanja, podjela i izdvajanja**, kao i na objašnjenje u polju „NAPOMENE“.

STATUS AKTIVNOSTI

Aktivan – odnosi se na poslovni subjekt tj. fizičko lice koje je započelo svoju aktivnost jednom od navedenih radnji:

- ulaganjem finansijskih sredstava,
- prodajom prvog proizvoda,
- zapošljavanjem prvog radnika.

Neaktivan - odnosi se na poslovni subjekt tj. fizičko lice koje trajno ne obavlja svoju djelatnost uslijed prestanka postojanja nekog od faktora proizvodnje ili uslijed gubitka svog pravnog identiteta.

Mirujući - odnosi se na poslovni subjekt tj. fizičko lice koje ima pravni identitet, ali ne obavlja nikakvu aktivnost zbog privremenog prestanka rada uslijed sezonskog obavljanja djelatnosti, bolesti ili dejstva spoljnih faktora i to u periodu kraćem od 24 mjeseca.

Osnivanje- nepoznat status - odnosi se na poslovni subjekt tj. fizičko lice koje je izvršilo prijavu upisa u administrativni registar i dobilo odgovarajuću šifru djelatnosti.

Neaktivan- sukcesija - odnosi se na poslovni subjekt tj. fizičko lice kod kojeg je došlo do jedne od slijedećih promjena:

- spajanje,
- pripajanje,
- podjela.

Nepoznato

NAPOMENE: